

**BOSNA I HERCEGOVINA - БОСНА И ХЕРЦЕГОВИНА**

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1- 224- 2/19  
Banja Luka, 15.05.2019. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet u Sarajevu**, na osnovu prijedloga Ministarstva obrazovanja, nauke i mlade Kantona Sarajevo, direktor Agencije za razvoj visokog obrazovanja i osiguranje kvaliteta Bosne i Hercegovine donosi

**R J E Š E N J E**

**o imenovanju Komisije domaćih i međunarodnih stručnjaka  
koji daju ocjenu i obavljaju reviziju kvaliteta i daju preporuke o akreditaciji  
visokoškolske ustanove Internacionalni univerzitet u Sarajevu**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove Internacionalni univerzitet u Sarajevu u sljedećem sastavu:
  - 1) Prof. dr. Aida Hodžić, predstavnik akademske zajednice u BiH - predsjednik Komisije stručnjaka;
  - 2) Prof. dr. Vlado Madžarević, predstavnik akademske zajednice u BiH, član Komisije stručnjaka;
  - 3) Prof. dr. Fernando Maciel Barbosa, međunarodni stručnjak, član Komisije stručnjaka;
  - 4) Edin Jahić, predstavnik privrede i prakse, član Komisije stručnjaka;
  - 5) Amna Tuzović, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Ministarstva obrazovanja, nauke i mlade Kantona Sarajevo, koji su usklađeni sa Okvirnim zakonom i dokumentima Agencije.
3. Komisija stručnjaka dužna je u roku od najduže 30 dana od imenovanja sačiniti nezavisan Izveštaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i

visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji za razvoj visokog obrazovanja i osiguranje kvaliteta Bosne i Hercegovine.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
6. Rješenje stupa na snagu danom donošenja.

### **O b r a z l o ž e n j e**

Ministarstvo obrazovanja, nauke i mlade Kantona Sarajevo, dostavilo je 07.05.2019. godine Prijedlog za imenovanje Komisije stručnjaka za akreditaciju visokoškolske ustanove Internacionalni univerzitet u Sarajevu, broj: 11/05-38-3650-1/19 od 30.04.2019.godine u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine imenuje Komisiju stručnjaka koja će obaviti posjetu visokoškolskoj ustanovi Internacionalni univerzitet u Sarajevu i, na osnovu utvrđenog stanja, dati mišljenje o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da predloženi stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove Internacionalni univerzitet u Sarajevu dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Kantona Sarajevo koji su usklađeni sa Okvirnim zakonom i dokumentima Agencije.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.


Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema.

**Dostavljeno:**

1. Imenovanim članovima  
Komisije stručnjaka,
2. Ministarstvu obrazovanja, nauke i mlade  
Kantona Sarajevo,
3. Sektoru 05
4. arhivi





## BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1- 224-√/19  
Banja Luka, 29.05.2019. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet u Sarajevu**, na osnovu prijedloga Ministarstva obrazovanja, nauke i mlade Kantona Sarajevo, direktor Agencije za razvoj visokog obrazovanja i osiguranje kvaliteta Bosne i Hercegovine donosi

### RJEŠENJE O IZMJENI RJEŠENJA

**o imenovanju Komisije domaćih i međunarodnih stručnjaka  
koji daju ocjenu i obavljaju reviziju kvaliteta i daju preporuke o akreditaciji  
visokoškolske ustanove Internacionalni univerzitet u Sarajevu**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet u Sarajevu“ broj 05-33-1- 224-2/19 od 15.05.2019. godine, briše se kao član Komisije prof. dr. Vlado Madžarević i imenuje **prof. dr. Nihad Delibegović-Džanić, predstavnik akademske zajednice u BiH.**
2. Rješenje stupa na snagu danom donošenja.

### O b r a z l o ž e n j e

Rješenjem broj 05-33-1- 224 -2 /19 od 15.05.2019. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet u Sarajevu u sastavu:

- 1) Prof. dr. Aida Hodžić, predstavnik akademske zajednice u BiH - predsjednik Komisije stručnjaka;
- 2) Prof. dr. Vlado Madžarević, predstavnica akademske zajednice u BiH, član Komisije stručnjaka;
- 3) Prof. dr. Fernando Maciel Barbosa, međunarodni stručnjak, član Komisije stručnjaka;
- 4) Edin Jahić, predstavnik privrede i prakse, član Komisije stručnjaka;
- 5) Amna Tuzović, student, član Komisije stručnjaka

Tokom pripremnih aktivnosti Komisije vezanih za utvrđivanje Agende posjete ovoj visokoškolskoj ustanovi član Komisije stručnjaka prof. dr. Vlado Madžarević je dana 22.05.2019. godine mailom obavjestio Agenciju o iznenadnom pogoršanju svog zdravstvenog

stanja koje zahtjeva dugotrajnije liječenje te da njegov angažman u utvrđenom roku je pod znakom pitanja i sam predložio zamjenu.

U tom smislu Agencija je dopisom broj: 05-33-1- 224 -3/19 od dana 22.05.2019. godine zatražila od Ministarstva obrazovanja, nauke i mlade Kantona Sarajevo dostavu prijedloga tri predstavnika akademske zajednice u BiH kako bi Agencija izvršila zamjenu pomenutog stručnjaka, a proces akreditacije visokoškolske ustanove Internacionalni univerzitet u Sarajevu nastavio nesmetano odvijati.

Ministarstva obrazovanja, nauke i mlade Kantona Sarajevo dostavilo je Agenciji dopisom broj 11/05-38-3650-2/19 od dana 27.05.2019. godine prijedlog nova tri predstavnika akademske zajednice u BiH.

Agencija je izvršila potrebne provjere sukoba interesa i dostupnost te na temelju toga izabrala prof. Nihada Delibegović-Džanić kao zamjenu za prof. dr. Vladu Madžarevića.

U preostalom dijelu Rješenje broj 05-33-1-224-2/19 od 15.05.2019. godine ostaje neizmijenjeno.

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema.

**Dostavljeno:**

1. Imenovanim članovima  
Komisije stručnjaka,
2. Ministarstvu obrazovanja, nauke i mladih  
Kantona Sarajevo,
3. Sektoru 05
4. arhivi

